

SPORTSKI AUTO – MOTO SAVEZ BOSNE I HERCEGOVINE (SAMS BIH)

DODATAK OPŠTEM PRAVILNIKU O UTRKAMA UBRZANJA NA 402 METRA U SKLOPU ŠAMPIONATA BIH I OTVORENOG PRVENSTVA BIH – PRAVILNIK O BODOVANJU –

OPŠTE ODREDBE

Član 1.

Ovaj pravilnik služi kao dodatak Opštem Pravilniku o održavanju utrka ubrzanja na 402 metra u sklopu ŠBiH I OP BiH na nivou Bosne i Hercegovine.

Član 2.

Ovim pravilnikom određuje se način bodovanja takmičara i klubova za Šampionat Bosne i Hercegovine i Otvoreno Prvenstvo Bosne i Hercegovine u utrkama ubrzanja na 402 metra .

USLOVI ZA BODOVANJE

Član 3.

Pravo učešća na utrkama koje se boduju za Šampionat Bosne i Hercegovine u klasama koje se prama odredbama opšteg pravilnika boduju za Šampionat imaju samo Klubovi i takmičari sa važećom licencom izdatom od krovnog Sportskog Auto-Moto Saveza BiH (SAMS BiH) za godinu u kojoj se održava Šampionat. (uslovi licenciranja navedeni su u 'dodatku opštem pravilniku – pravilnik o licenciranju')

3.1. Pravo učešća na utrkama koje se boduju za Otvoreno Prvenstvo Bosne i Hercegovine u klasama koje se prema odredbama opšteg pravilnika boduju imaju kako klubovi i takmičari iz BiH sa odgovarajućim licencama, tako i strani takmičari koji također imaju odgovarajuće licence izdate od svojih krovni saveza ili licencu SAMS BIH (uslovi licenciranja navedeni su u 'dodatku opštem pravilniku – pravilnik o licenciranju')

Član 4.

Skupljeni bodovi u Šampionatu i Otvorenom Prvenstvu BiH postaju validni tek nakon što takmičar ispuni uslov o minimalnom broju nastupa na utrkama u Šampionatu (50%+).

4.1. Minimalan broj utrka za priznavanje Šampionata propisan od strane SAMS BiH je 3.

4.2. U skladu sa članom 4. da bi ostavrio pravo na priznavanje bodova, takmičar mora nastupiti na minimalno onom broju utrka kako je u nastavku navedeno:

4.2.a) Ukupan broj utrka u Šampionatu = 3; minimalan broj nastupa = 2;

4.2.b) Ukupan broj utrka u Šampionatu = 4; minimalan broj nastupa = 2;

4.2.c) Ukupan broj utrka u Šampionatu = 5; minimalan broj nastupa = 3;

4.2.d) Ukupan broj utrka u Šampionatu = 6; minimalan broj nastupa = 3;

4.2.e) Ukupan broj utrka u Šampionatu = 7; minimalan broj nastupa = 4;

4.2.f) Ukupan broj utrka u Šampionatu = 8; minimalan broj nastupa = 4;

4.2.g) Ukupan broj utrka u Šampionatu = 9; minimalan broj nastupa = 5;

4.2.h) Ukupan broj utrka u Šampionatu = 10; minimalan broj nastupa = 5;

4.3. U svrhu informisanja takmičara i zainteresovanih na službenim stranicama organizatora bodovne liste bit će objavljene odmah nakon prve utrke u Šampionatu/Otvorenom Prvenstvu, i bit će vođene sve do završetka Šampionata/Otvorenog Prvenstva. Rang Liste postaju službene tek nakon potvrde od strane Organizacionog Odbora Šampionata/Otvorenog Prvenstva na kraju sezone i nakon isteka žalbenog roka.

4.3.1. Takmičari nakon objave nepotvrđenih Rang Listi na kraju sezone imaju pravo na žalbu u roku od 10 dana nakon objavljivanja finalnih nepotvrđenih rezultata.

Član 5.

Prijava za Šampionat I Otvoreno Prvenstvo BiH se ne naplaćuje posebno, već dobijanjem licence takmičar stiže automatski pravo bodovanja na utrkama u klasama koje se buduju.

NAČIN BODOVANJA

Član 6.

Na utrkama ubrzanja u sklopu Šampionata BiH i Otvorenog Prvenstva BiH takmičari imaju mogućnost osvajati bodove u 2 kategorije.

1. Bodovi za ukupni **poredak Klase** u kojoj se takmiče
2. Bodovi za **generalni plasman** svih takmičara (bez obzira na klasu)

Član 7.

Bodovi za ukupni poredak u Klasi u klasama SP1,SP2,SP3,SP4,SP5,P1,P2 i P3 bit će dodijeljivani na sljedeći način:

7.1. Prijavom i nastupom na takmičenju svi licencirani takmičari osvajaju 1 bod.

7.2. Na takmičenju po klasama takmičari imaju mogućnost osvojiti osnovne i dodatne bodove.

7.2.a) Osnovni bodovi dodjeljuju se prema plasmanu na utrci (top 8 - u skladu sa opštim pravilnikom član 17. i 18.) i to na sljedeći način:

- 1.mjesto – 15 bodova
- 2.mjesto – 12 bodova
- 3.mjesto – 10 bodova
- 4.mjesto – 8 bodova
- 5.mjesto – 6 bodova
- 6.mjesto – 4 boda
- 7.mjesto – 2 boda
- 8.mjesto – 1 bod

7.2.b) Dodatni bodovi dodjeljuju se prema posebnim kriterijima bez obzira na finalni plasman takmičara i to u sljedećim slučajevima:

7.2.b)1. Za svaku pobjedu na utrci (prolazak za jedan krug dalje) takmičari osvajaju 1 bod (čak i kao LW ili u slučaju odustajanja protivnika).

(maksimalan broj bodova koje takmičar može osvojiti na jednoj utrci na ovaj način je 3, i to pobjeda u vožnji top 8, pobjeda u polufinalu i pobjeda u finalu)

7.2.b)2. Za najbrže ostvareno vrijeme dana u svojoj klasi (u obzir se uzimaju samo vožnje eliminacije – top 8 i dalje) takmičar osvaja 1 bod.

(maksimalan broj bodova koje takmičar može osvojiti na jednoj utrci na ovaj način je 1)

7.2.b)3. Za najbrže vrijeme na kvalifikacijama u svojoj klasi takmičar osvaja 1 bod.

(maksimalan broj bodova koje takmičar može osvojiti na jednoj utrci na ovaj način je 1)

7.2.b)4. Maksimalan broj dodatnih bodova koje jedan takmičar može osvojiti na jednoj utrci je 5.

Član 8.

Bodovi za generalni plasman svih takmičara bez obzira na klasu mogu se osvojiti samo u vožnjama Super Finala na dnevnom takmičenju.

8.1. Super Finalu pristupaju samo finalisti 8 klasa koje se boduju za šampionat (isto važi i za Otvoreno prvenstvo).

8.2. U Super Finalu na osnovu ostvarenog plasmana bodovi se dodjeljuju na sljedeći način:

1.mjesto – 20 bodova

2.mjesto – 18 bodova

3.mjesto – 16 bodova

4.mjesto – 14 bodova

5.mjesto – 12 bodova

6.mjesto – 10 bodova

7.mjesto – 8 bodova

8.mjesto – 6 bodova

9.mjesto – 4 boda

10.mjesto – 3 boda

11.-13.mjesto – 2 boda

14.-16.mjesto – 1 bod

PLASMAN TAKMIČARA

Član 9.

Takmičar ostvaruje plasman u Šampionatu / Otvorenom Prvenstvu na osnovu zbira svih prikupljenih bodova kako je opisano u članu 7. za klasu u kojoj nastupa i kako je opisano u članu 8. za generalni poredak Šampionata.

9.1. Uslovi iz člana 3. i člana 4. moraju biti ispunjeni kako bi plasman bio priznat.

Član 10.

Ukoliko 2 ili više takmičara imaju isti broj bodova, bolji plasman ostvariće onaj koji ima više prvih mjesta.

Član 11.

Ukoliko se plasman ne može odrediti po kriterijima opisanim u članu 9. i članu 10, bolji plasman u Šampionatu ostvarit će takmičar koji prema sljedećem redoslijedu ima bolji rezultat:

a) ukupan broj nastupa (veći broj nastupa = bolji plasman)

b) (ukoliko je nakon a) i dalje nemoguće odrediti plasman) bolje ostvareno vrijeme u Šampionatu (bolje vrijeme = bolji plasman)

c) (ukoliko ni nakon b) nije moguće odrediti plasman) veći broj drugih (ili po potrebi trećih, četvrtih itd.) mjesta na dnevnim takmičenjima po klasama.

Član 12.

Ukoliko licencirani takmičar zbog većeg kvara na automobile nije u mogućnosti nastaviti sezonu sa verifikovanim automobilom, nakon dopuštenja službenih osoba Šampionata moguća je prijava na sljedećoj utrci sa drugim automobilom.

12.1. Plasman takmičara na nivou sezone određuje se u tom slučaju na osnovu bodova koje je prikupio u klasi (ukoliko sa drugim automobilom nastupa u istoj klasi) ili na osnovu većeg broja bodova unutar jedne klase (ukoliko sa drugim automobilom nastupa u različitoj klasi).

12.2. Bodovi takmičara vezani za poredak klubova ili ekipa sponzora se računaju bez promjene, i u slučaju da takmičar promijeni automobile u toku Šampionata.

PLASMAN KLUBOVA

Član 13.

Licencirani klubovi ostvaruju plasman na osnovu zbira bodova koje su takmičari kluba osvojili u pojedinačnom takmičenju po klasama (bodovi iz generalnog poretka se ne ubrajaju u zbir).

Član 14.

Za takmičenje klubova svaki klub obavezan je prije početka sezone navesti maksimalno 5 licenciranih takmičara čiji će se bodovi zbrajati za plasman klubova.

13.1. U skladu sa licenciranjem, klubovi koji nastupaju sa manje od 5 takmičara taj broj u toku Šampionata mogu povećavati do maksimalnog broja od 5 takmičara, ali uz urednu i blagovremenu prijavu i odobrenje organizatora Šampionata.

13.2. Klubovi koji imaju više od 5 licenciranih takmičara za Šampionat moraju prije početka prve utrke u šampionatu dostaviti spisak od 5 takmičara koji će biti bodovani za klubsko takmičenje.

Član 15.

Odredbe iz člana 9., člana 10. i člana 11. prenose se i na plasman klubova, s tim da se u obzir uzimaju rezultati svih licenciranih takmičara čiji se bodovi ubrajaju u bodove kluba.

PLASMAN EKIPA SPONZORA

Član 16.

Licencirani klubovi i/ili licencirani takmičari imaju mogućnost prijaviti i ekipu sponzora čija će se evidencija voditi posebno. Ekipu sponzora mogu činiti maksimalno 3 takmičara, koji mogu biti i iz različitih klubova.

15.1. Plasman za ekipe sponzora određivat će se prema istim kriterijima kao i za plasman klubova.

15.2. Novčana prijava za ekipu sponzora se dodatno naplaćuje i racuna se prema važećem cjenovniku SAMS BiH.

SANKCIJE

Član 17.

U skladu sa Opštim Pravilnikom sankcije takmičarima i klubovima mogu se izreći i na nivou Šampionata.

Dodatne sankcije u odnosu na one propisane Opštim Pravilnikom a koje se odnose na Šampionat mogu biti:

- oduzimanje 5 bodova
- oduzimanje 10 bodova
- zabrana nastupa na sljedećoj utrci Šampionata i oduzimanje ostvarenih bodova na utrci.
- zabrana nastupa na svim preostalim utrkama Šampionata u sezoni i oduzimanje svih bodova.
- trajna zabrana nastupa na Šampionatu.

O izricanju kazne takmičaru odlučivat će posebna komisija sastavljena od predstavnika Organizacionog Odbora Šampionata Bosne i Hercegovine u utrkama ubrzanja na 402 metra i predstavnika disciplinske komisije krovnog saveza SAMS BiH.

PRIGOVORI I ŽALBE

Član 18.

Takmičari i klubovi imaju pravo na prigovor na objavljene rezultate sa utrke u sklopu Šampionata. Prigovori se podnose najkasnije u roku od 5 dana nakon objave rezultata na zvaničnim stranicama organizatora.

Nakon isteka roka od 5 dana objavljeni rezultati postaju zvanični.

Prigovori se vrše na oficijelni kontakt za prigovore zalbe@402.ba.

16.1. U skladu sa članom 4.3.1 prigovori mogu biti upućeni i na objavljene rezultate o ukupnom poretku takmičara i klubova na kraju sezone. Rok za podnošenje tih prigovora je 10 dana nakon objave nezvaničnih finalnih rezultata, a nakon isteka roka rezultati postaju zvanični.

ZAVRŠNE ODREDBE

Član 19.

Za odvijanje i realizaciju utrke mjerodavan je Opšti Pravilnik o održavanju utrka ubrzanja na 402 metra objavljen od strane organizatora Šampionata na službenim stranicama saveza i bihamk-a i stranicama organizatora www.402.ba .

Ovaj dodatak reguliše odredbe o bodovanju pojedinaca i klubova u sklopu Šampionata Bosne i Hercegovine u utrkama ubrzanja na 402 metra.

Svi takmičari su dužni poznavati odredbe Opšteg pravilnika i ovog dodatka opštem pravilniku i pridržavati se istih, a nepoznavanje odredaba Pravilnika može za sobom povući jednu od predviđenih sankcija.

Za tumačenje Pravilnika nadležan je Organizator Šampionata.

Član 20.

Ovaj Pravilnik stupa na snagu danom donošenja.

U Sarajevu, 18.05.2014
SAMS BIH